

საქართველოს სახელმწიფო უსაფრთხოების სამსახური



ს ა ტ ე ნ დ ე რ ო დ ო კ უ მ ე ნ ტ ა ც ი ა

ელექტრონული ტენდერის საშუალებით სახელმწიფო უსაფრთხოების სამსახურის
ობიექტებზე არსებული გათბობა-გაგრილება-ვენტილაციის სისტემების მომსახურებისა და
დაზიანების შემთხვევაში დეტალების შეცვლა-შეკეთების შესყიდვა

CPV – 50700000

დაფინანსების წყარო 2017 წლის სახელმწიფო ბიუჯეტი

ქ. თბილისი
2016 წელი

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში - სისტემა) შესყიდვების პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

1.2. ელექტრონულ ტენდერთან/გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.4. პრეტენდენტს არა აქვს უფლება წარმოადგინოს ალტერნატიული წინადადება.

*სატენდერო დოკუმენტაციის შესახებ დამატებითი ინფორმაციისა და განმარტებებისთვის მიმართეთ სატენდერო კომისიის აპარატს: გვანცა ქევანაშვილი, ტელ: 591 932 900.
მის: ქ. თბილისი, 9 აპრილის ქ. N4.*

2. ტექნიკური დოკუმენტაცია:

2.1. შესყიდვის ობიექტის ტექნიკური დავალება:

N	მომსახურების დასახელება	პრეისკურანტის სავარაუდო ჯამური ღირებულება (ლარი)	სახელშეკრულებო ღირებულება (ლარი)	მომსახურების გაწევის ვადები	მომსახურების გაწევის ადგილი
1	სახელმწიფო უსაფრთხოების სამსახურის ობიექტებზე არსებული გათბობა-გაგრილება-ვენტილაციის სისტემების მომსახურებისა და დაზიანების შემთხვევაში დეტალების შეცვლა-შეკეთების შესყიდვა	13 495.00	30 000.00	ხელშეკრულების გაფორმებიდან 2017 წლის 31 დეკემბრის ჩათვლით, მომსახურების პირობების შესაბამისად	სახელმწიფო უსაფრთხოების სამსახურის ობიექტები (დანართი N1-ის შესაბამისად)

მომსახურების პირობები:

- შეცვლილ დეტალებზე უნდა ვრცელდებოდეს არანაკლებ 1 (ერთი) წლიანი საგარანტიო ვადა;
- სისტემებს, რომელთაც აქვთ მხოლოდ გაგრილების ფუნქცია, მომსახურება უნდა მოიცავდეს რევიზიას, არანაკლებ თვეში ერთხელ, 01.05.2017 დან - 30.09.2017-მდე.
- სისტემებს, რომელთაც აქვთ გაგრილება-გათბობის ფუნქცია, მომსახურება უნდა მოიცავდეს რევიზიას, არანაკლებ თვეში ერთხელ, ხელშეკრულების გაფორმებიდან - 31.12.2017-მდე.
- რევიზია მოიცავს: აგრეგატებში მაცივარაგენტის წნევის შემოწმებას; კომპრესორებში ზეთის დონის შემოწმებას; ელექტრო სისტემის შემადგენელი ნაწილების მდგომარეობის შემოწმებას; საცირკულაციო ტუმბოების მდგომარეობის შემოწმებას და ა.შ.
- გაგრილების სეზონზე, ქ. თბილისი, ვაჟა-ფშაველას გამზ. N72-ში არსებული გათბობა გაგრილების სისტემების ყოველდღიური მეთვალყურეობისთვის უნდა გამოიყოს არანაკლებ ერთი სპეციალისტი და მისი სამუშაო საათები განისაზღვროს 09:00 სთ-დან – 17:00 სთ-მდე, ორშაბათიდან პარასკევის ჩათვლით.
- მომსახურება ითვალისწინებს დაზიანების აღმოფხვრას გამოძახებიდან 24 საათში საავარიო ჯგუფის მეშვეობით, გამოძახება შესაძლებელია განხორციელდეს შეუზღუდავად, კვირის ნებისმიერ დღეს.

- მომსახურეობა გულისხმობს ყველა საჭირო ხელსაწყოთი აღჭურვილი მაღალკვალიფიციური ტექნიკური პერსონალით დაკომპლექტებული ჯგუფების გამოყოფას.
 - მომსახურეობა უნდა განხორციელდეს თვეების მიხედვით შემსყიდველის მოთხოვნის შესაბამისად.
 - აგრეგატის დაზიანების შემთხვევაში, შეკეთება უნდა განხორციელდეს პრეისკურანტით გათვალისწინებული ფასთა ცხრილის შესაბამისად.
 - გაგრილების სეზონის გასვლის შემდეგ, უნდა მოხდეს აგრეგატების გათიშვა და სისტემის წყლისგან დაცლა.
 - შემსრულებელი ვალდებულია გამოყოს ორი საკონტაქტო პირი (მობილური ნომერისა და ელექტრონული ფოსტის მისამართის მითითებით), რომელზეც სახელმწიფო უსაფრთხოების სამსახურის უფლებამოსილი პირის მიერ გაგზავნილი შეტყობინება ჩაითვლება ტექნიკური დავალების მიღებად.
- მომწოდებელი ვალდებულია შეტყობინების მიღებიდან არაუმეტეს 36 საათისა აღმოფხვრას გაუმართაობა.
- დამკვეთის მიერ შეტყობინების შედეგად მიღებული დავალების სამჯერადად შეუსრულებლობის ან არასრულფასოვნად შესრულების შემთხვევაში, დამკვეთი უფლებას იტოვებს შეწყვიტოს მოქმედი ხელშეკრულება მომწოდებელთან.

შენიშვნა:

- პრეტენდენტმა ელექტრონული ვაჭრობა უნდა განახორციელოს პრეისკურანტის სავარაუდო ჯამურ ღირებულებაზე. პრეისკურანტის სავარაუდო ჯამური ღირებულება შეადგენს - **13 495.00 (ცამეტი ათას ოთხას ოთხმოცდათხუთმეტი) ლარს**, ხოლო სახელშეკრულებო ღირებულება შეადგენს - **30 000.00 (ოცდაათი ათასი) ლარს**;
- პრეტენდენტის მიერ წარმოდგენილი სატენდერო წინადადება, რომელშიც პოზიციების ფასი გადააჭარბებს შემსყიდველის მიერ განფასების ცხრილში დაფიქსირებულ პოზიციების სავარაუდო ფასს, არ ჩაითვლება მისაღებად, ასევე პრეტენდენტის მიერ სატენდერო წინადადებაში (განფასების ცხრილიში) დაფიქსირებული პოზიციის ფასს არ უნდა აღემატებოდეს ვაჭრობის შემდეგ დაფიქსირებული პოზიციის ფასი;
- პრეტენდენტის მიერ პრეისკურანტის საერთო ღირებულების შემცირების შემთხვევაში, ფასთა კლება პროცენტულად და პროპორციულად უნდა აისახოს პრეისკურანტში (N1 და N2) მოცემული ჩამონათვალის ერთეულის ფასებზე, თუ ერთეულის ფასები დაჯდება მრავალნიშნა ათწილადად, პრეტენდენტი ვალდებულია აღნიშნული ფასები შეამციროს და დაამრგვალოს მეასედამდე, შესაბამისად შეამციროს პრეისკურანტის ჯამური ღირებულებაც;

- მომსახურების განხორციელების პროცესში განფასების ცხრილში არ არსებული დეტალის საჭიროების შემთხვევაში, დეტალის და მომსახურების ფასი დგინდება მხარეთა შორის წერილობითი შეთანხმებით, საბაზრო ფასის გათვალისწინებით.



განფასების ცხრილის (დანართი N1) წარმოდგენლობა გამოიწვევს პრეტენდენტის დისკვალიფიკაციას.

2.2. გასაწევი მომსახურების ვადა და ადგილი:

- 2.2.1. მიწოდების ვადა: ხელშეკრულების გაფორმებიდან 2017 წლის 31 დეკემბრის ჩათვლით, მომსახურების პირობების შესაბამისად.
- 2.2.2. მომსახურების გაწევის ადგილი: სახელმწიფო უსაფრთხოების სამსახურის ობიექტები (დანართი N1-ის შესაბამისად).

2.3. სატენდერო წინადადების ფასი:

- 2.3.1. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
- 2.3.2. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.
- 2.3.3. იმ შემთხვევაში, თუ ტენდერში ყველაზე დაბალი ფასის წინადადების მქონდე პრეტენდენტის მიერ სისტემაში დაფიქსირებული პრეისკურანტის საბოლოო ფასი 20%-ით ან მეტით დაბალი იქნება შესყიდვის ობიექტის პრეისკურანტის სავარაუდო ღირებულებაზე, პრეტენდენტს მოეთხოვება ფასწარმონაქმნის ადექვატურობის დასაბუთება, რისთვისაც შემსყიდველის მიერ განესაზღვრება არაუმეტეს 10 (ათი) სამუშაო დღე. ფასწარმონაქმნის ადექვატურობის დასაბუთება უნდა მოხდეს სსიპ „ლევან სამხარაულის სახელობის ექსპერტიზის ეროვნული ბიუროს“ ან სერთიფიცირებული აუდიტორული სამსახურის/აუდიტორის მიერ გაცემული შესაბამისი დასკვნის საფუძველზე.
ამასთან, ფასწარმონაქმნის ადექვატურობის დასაბუთების წარმოდგენლობა გამოიწვევს პრეტენდენტის დისკვალიფიკაციას „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანებით დამტკიცებული წესის მე-13 მუხლის მე-2 პუნქტის „ა“ ქვეპუნქტის საფუძველზე, გარდა იმ შემთხვევისა, როდესაც სახეზეა ამ წესის მე-13 მუხლის მე-2 პუნქტის „ზ“ ქვეპუნქტით გათვალისწინებული საფუძველი.
პრეტენდენტის მიერ წარმოდგენილი ფასწარმონაქმნის ადექვატურობის დასაბუთება დაზუსტებას არ ექვემდებარება.

2.4. პრეტენდენტის გამოცდილება:

2.4.1. პრეტენდენტს 2015 და 2016 წლებში უნდა გააჩნდეს ანალოგიური მომსახურების გაწევის გამოცდილება.

2.5. ანგარიშსწორების პირობები:

2.5.1. შემსყიდველი იღებს ვალდებულებას გადაუხადოს მიმწოდებელს გაწეული მომსახურების ღირებულება მიღება-ჩაბარების აქტის გაფორმებიდან და თანმდევი დოკუმენტაციის (საგადასახადო ანგარიშ-ფაქტურა) გამოწერიდან/წარმოდგენიდან **10 (ათი) სამუშაო დღის განმავლობაში**. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

2.5.2. ანაზღაურების ფორმა - უნაღდო.

2.5.3. წინასწარი ანგარიშსწორება (ავანსი) არ განიხილება.

2.6. პრეტენდენტის მიერ ერთიან ელექტრონულ სისტემაში ასატვირთი მონაცემები:

2.6.1. განფასების ცხრილი (პრეისკურანტი N1 და პრეისკურანტი N2) დანართი N1-ის მიხედვით, პრეტენდენტის მიერ მითითებული ფასები არ უნდა აღემატებოდეს შემსყიდველის მიერ განსაფასებელ ცხრილში (პრეისკურანტში) თითოეულ პოზიციაზე მითითებულ სავარაუდო მაქსიმალურ ერთეულის ფასებს (აღნიშნულის წარმოდგენილობა გამოიწვევს პრეტენდენტის დისკვალიფიკაციას);

2.6.2. რეკვიზიტები დანართი N2-ის მიხედვით;

2.6.3. შესყიდვის ობიექტის ტექნიკური დავალება 2.1 პუნქტის შესაბამისად (მომსახურების პირობების გათვალისწინებით);

2.6.4. ინფორმაცია 2015 და 2016 წლების განმავლობაში ანალოგიური მომსახურების გაწევის გამოცდილების შესახებ (შესყიდვების ერთიან ელექტრონულ სისტემაში ატვირთული უნდა იყოს აღნიშნულის დამადასტურებელი დოკუმენტები - SPA/NAT ნომრები და/ან ხელშეკრულებები შესაბამისი მიღება-ჩაბარებების აქტებით და/ან სხვა დოკუმენტები).

დანართი N2

პრეტენდენტის იურიდიული ფორმა და დასახელება:	
ხელმძღვანელის თანამდებობა, სახელი და გვარი:	
პრეტენდენტის იურიდიული და ფაქტიური მისამართი:	
საიდენტიფიკაციო კოდი:	
ბანკი:	
ბანკის კოდი:	
ანგარიშის ნომერი:	
პრეტენდენტის ტელეფონის ნომერი:	
ელექტრონული მისამართი:	

სახელმწიფო შესყიდვების ერთიან ელექტრონულ სისტემაში

შემოთავაზებული სატენდერო წინადადების ფასი:

პრეტენდენტის ხელმოწერა და ბეჭედი

ხელშეკრულება N _____

სახელმწიფო შესყიდვის შესახებ

(ელექტრონული ტენდერი SPA_____)

ქ. თბილისი

_____ 2016წ.

საქართველოს სახელმწიფო უსაფრთხოების სამსახური (მის: ქ. თბილისი, 9 აპრილის ქ. N4, საბანკო რეკვიზიტები: სახელმწიფო ხაზინა, კოდი - TRESGE22, ს/კ - 204 584 887), შემდგომში წოდებული „შემსყიდველად“, წარმოდგენილი ეკონომიკური დეპარტამენტის დირექტორის სერგო ჯანელიძის სახით და

მიმწოდებელი: ი/მ, ფ/პ, შპს, სს XXXXX“, საიდენტიფიკაციო კოდი: XXXXX

მისამართი, ტელეფონი: XXXXX; ტელ: XXXXX

დირექტორი: XXXXX

საბანკო რეკვიზიტები: XXXXX ბანკის კოდი: XXXXX ანგ. ანგარიში: XXXXX

ორივე ერთად აღიარებული, როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

I. გამოყენებული ტერმინების განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1. „ხელშეკრულება“ - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
3. „დღე“, „კვირა“, „თვე“ - კალენდარული დღე, კვირა, თვე.
4. „შემსყიდველი“ - ორგანიზაცია, რომელიც ახორციელებს შესყიდვას.
5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
6. „მომსახურება“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.
7. „ტექნიკური დოკუმენტაცია“ - მიმწოდებლის მიერ SPA_____ ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

II. ხელშეკრულების საგანი

1. სახელმწიფო უსაფრთხოების სამსახურის ობიექტებზე არსებული გათბობა-გაგრილება-ვენტილაციის სისტემების მომსახურებისა და დაზიანების შემთხვევაში დეტალების შეცვლა-შეკეთების შესყიდვა დანართი N1 (პრეისკურანტი N1 და N2) შესაბამისად (CPV-50700000).
2. ხელშეკრულების დანართი N1-ით განსაზღვრულია _____.

III. ხელშეკრულების ღირებულება

1. ხელშეკრულების ღირებულებაა - _____ ლარი.
2. ხელშეკრულების ღირებულება მოიცავს გასაწევი მომსახურების (სათადარიგო ნაწილებით) ღირებულებას, წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

IV. მხარეთა ვალდებულებები

1. **მიმწოდებელი ვალდებულია:**
 - ა) უზრუნველყოს წინამდებარე ხელშეკრულებით გათვალისწინებული მომსახურების გაწევა ხელშეკრულების გაფორმებიდან _____;
 - ბ) განახორციელოს - სიგნალიზაციის გამართული მუშაობა და შემოწმება არანაკლებ თვეში ორჯერ (შესაბამისი შუალედური აქტის გაფორმებით), ობიექტზე მისვლა გამოძახებიდან უმოკლეს დროში, მწყობრიდან გამოსული სიგნალიზაციის შემადგენელი მოწყობილობების საკუთარი ხარჯებით შეცვლა.
 - გ) ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში, განიხილოს შემსყიდველის პრეტენზიები, მიაწოდოს მოტივირებული პასუხი ყველა საკითხზე და დაუყოვნებლივ უზრუნველყოს აღმოჩენილი ხარვეზის გამოსწორება;
 - დ) განახორციელოს ამ ხელშეკრულებით მასზე დაკისრებული სხვა ვალდებულებები.
2. **შემსყიდველი ვალდებულია:**
 - ა) უზრუნველყოს ხელშეკრულების შესრულების კონტროლი;
 - ბ) განახორციელოს ამ ხელშეკრულებით მასზე დაკისრებული სხვა ვალდებულებები.

V. ხარისხი და საგარანტიო ვადა

1. ხელშეკრულებით გათვალისწინებული მომსახურების ხარისხი უნდა შეესაბამებოდეს დადგენილ სტანდარტებს.
2. შეცვლილ დეტალებზე ვრცელდება გარანტია _____.

VI. ხელშეკრულების შესრულების კონტროლი და საქონლის მიღება-ჩაბარების წესი

1. შემსყიდველის მიერ მომსახურების გაწევის ვადების, ხარისხის და მოცულობის ხელშეკრულების მოთხოვნებთან შესაბამისობის დადგენა და ხელშეკრულების პირობების შესრულების კონტროლი განხორციელდება პერიოდულად, როგორც მომსახურების გაწევის დროს, ისე ამ ხელშეკრულების მოქმედების მთელი პერიოდის განმავლობაში შემსყიდველის მოთხოვნათა შესაბამისად.

2. *ხელშეკრულების პირობების შესრულების კონტროლს განხორციელებს სუს ეკონომიკური დეპარტამენტის მატერიალურ ტექნიკური უზრუნველყოფის მთავარი სამმართველოს ქონების მართვისა და ექსპლუატაციის სამმართველოს ხელშეკრულებების კოორდინაციისა და კომუნალური ხარჯების აღრიცხვის განყოფილების უფროსი ზაქარია იოსებაშვილი, ხოლო გაწეული მომსახურების ინსპექტირება/მიღება-ჩაბარების აქტის გაფორმებას უზრუნველყოფს სახელმწიფო უსაფრთხოების სამსახურის შესაბამისი უფლებამოსილი პირები.*
3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი. უხარისხოდ გაწეული მომსახურების აღმოჩენისას მიმწოდებელი ვალდებულია წერილობითი შეტყობინებიდან 5 (ხუთი) დღის განმავლობაში გამოასწოროს ხარვეზი.
4. თუ ამ მუხლის 6.3. პუნქტით გათვალისწინებული წუნის გამოსწორების ვადა სცილდება ხელშეკრულების მოქმედების ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.
5. შემსყიდველი უფლებამოსილია განაცხადოს უარი უხარისხო (წუნდებული) ან დაგვიანებით გაწეული მომსახურების ნაწილის ან მთლიანი მოცულობის მიღებაზე.
6. მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.
7. ამ მუხლის 6.2 პუნქტში მითითებული პირის მიერ მიღება-ჩაბარების აქტის ხელმოწერით, საქონლის მიღებასთან ერთად დასტურდება ხელშეკრულების შესრულების კონტროლის განხორციელებაც.
8. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს. აღნიშნული არ ჩაითვლება მიმწოდებლის მხრიდან ვადის გადაცილებად.

VII. ანგარიშსწორება

1. ანგარიშსწორება განხორციელდება შემდეგი პირობებით:
 - ა) ანგარიშსწორების ვალუტა - ლარი;
 - ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.
2. შემსყიდველი იღებს ვალდებულებას გადაუხადოს მიმწოდებელს მიღებული მომსახურების ღირებულება მიღება-ჩაბარების აქტის გაფორმებიდან და თანმდევი დოკუმენტაციის (საგადასახადო ანგარიშფაქტურა) გამოწერიდან/წარმოდგენიდან **10 (ათი)** სამუშაო დღის განმავლობაში. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

VIII. ხელშეკრულების შესრულების შეფერხება

1. ხელშეკრულების შესრულების პროცესში იმ ხელისშემშლელი გარემოებების გამოვლენისას, რომელთა გამო ფერხდება ხელშეკრულების პირობების შესრულება, მხარეები დაუყოვნებლივ ატყობინებენ ერთმანეთს წერილობით შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღები მხარე ვალდებულია შეძლებისდაგვარად მოკლე დროში აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.
2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

IX. ხელშეკრულების პირობების შეუსრულებლობა

1. წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებული მომსახურების გაწევის ვადების გადაცილების შემთხვევაში ან 6.3 პუნქტით განსაზღვრული პირობების დარღვევისას, მიმწოდებელს ეკისრება პირგასამტეხლო, შესაბამისად ყოველ გადაგადაცილებულ დღეზე შეუსრულებელი ან/და უხარისხოდ მიწოდებული მომსახურების ღირებულების **0.2%-ის** ოდენობით; იმ შემთხვევაში თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების **6%-ს** შემსყიდველი უფლებამოსილია მიმწოდებელს დააკისროს პირგასამტეხლო **ხელშეკრულების ღირებულების 5%-ის ოდენობით**.
2. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.
3. შემსყიდველი უფლებამოსილია, მიმწოდებლის მხრიდან ხელშეკრულებით ნაკისრი ვალდებულებების შეუსრულებლობის, სრულად შეუსრულებლობის, ან ნაკისრ ვალდებულებებზე უარის თქმის შემთხვევაში, მიმწოდებელს დააკისროს ჯარიმა **ხელშეკრულების ღირებულების 5%-ის ოდენობით**.

X. ხელშეკრულებაში ცვლილებების შეტანა

1. ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების მიერ დადასტურებული ხელმოწერით.
2. წინასწარ გაუთვალისწინებელი მიზეზების გამო, ხელშეკრულების პირობების შეცვლის აუცილებლობის წარმოშობისას, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

XI. დავების გადაწყვეტა

1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.
2. თუ მოლაპარაკებების დაწყებიდან **5 (ხუთი)** დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით გადაწყვეტაზე, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

XII. ხელშეკრულების შეწყვეტა

1. შემსყიდველი უფლებამოსილია ხელშეკრულების ნებისმიერ ეტაპზე ან/და საქართველოს კანონმდებლობით დადგენილ სხვა შემთხვევებში, მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას და გამოიყენოს 9.3 პუნქტით გათვალისწინებული საჯარიმო სანქცია. აღნიშნულის შესახებ შემსყიდველი წერილობით აცნობებს მიმწოდებელს.
2. შემსყიდველის მიერ ხელშეკრულების ცალმხრივად შეწყვეტის შემთხვევაში შემსყიდველი პასუხს არ აგებს ხელშეკრულების შეწყვეტის შედეგად გამოწვეული ზიანისათვის, გარდა საქართველოს კანონმდებლობით დადგენილი შემთხვევებისა.
3. ხელშეკრულება შეიძლება შეწყდეს მხარეთა წერილობითი შეთანხმების საფუძველზე.
4. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისგან.

XIII. ხელშეკრულების მოქმედების ვადა

1. წინამდებარე ხელშეკრულება ძალაში შედის _____ და მოქმედებს _____ .

XIV. ფორს-მაჟორი

1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.
2. წინამდებარე ხელშეკრულებისთვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
3. მხარემ, რომელსაც შეექმნა ფორს-მაჟორული გარემოება, ვალდებულია დაუყოვნებლივ აცნობოს მეორე მხარეს წერილობით შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

XV. სხვა პირობები

1. ხელშეკრულება შედგენილია ქართულ ენაზე თანაბარი იურიდიული ძალის მქონე სამ იდენტურ ეგზემპლარად, რომელთაგან ერთი ეგზემპლარი გადაეცემა მიმწოდებელს, ხოლო ორი - შემსყიდველს.

XVI. მხარეთა რეკვიზიტები

შემსყიდველი

საქართველოს სახელმწიფო უსაფრთხოების
სამსახური
მის: ქ. თბილისი, 9 აპრილის ქ. N4
ტელეფონი: 2 41 44 03
საბანკო რეკვიზიტები:
სახელმწიფო ბაზინა, კოდი TRESGE22,
ს/კ: 204 584 887

სახელმწიფო უსაფრთხოების სამსახურის
ეკონომიკური დეპარტამენტის დირექტორი

სერგო ჯანელიძე

მიმწოდებელი